

RESOLUCIÓN DO 13 DE XANEIRO DE 2025 DA DIRECCIÓN XERAL DE RELACIÓNS INSTITUCIONAIS E PARLAMENTARIAS, POLA QUE SE FIXA A CONTÍA DAS SUBVENCÍONS NON CONDICIONADAS PARA GASTOS DE FUNCIONAMENTO DAS FORMACIÓNS POLÍTICAS CON REPRESENTACIÓN NO PARLAMENTO DE GALICIA

ANTECEDENTES

1. Entre os días 1 e 9 de xaneiro de 2025 presentáronse, a través da Sede Electrónica da Xunta de Galicia, as solicitudes das seguintes formacións políticas con dereito a percibir subvencións anuais non condicionadas para atender os gastos de funcionamento:

PARTIDO POPULAR (PP)

BLOQUE NACIONALISTA GALEGO (BNG)

PARTIDO DOS SOCIALISTAS DE GALICIA-PSOE (PSdeG-PSOE)

DEMOCRACIA OURENSANA (DO)

CONSIDERACIÓNS LEGAIS E TÉCNICAS

1. En virtude do establecido na Lei 9/2015, do 7 de agosto, de financiamento das formacións políticas e das fundacións e entidades vinculadas ou dependentes delas (Lei 9/2015), a Comunidade Autónoma de Galicia, con cargo aos seus orzamentos xerais do exercicio correspondente, outorgará ás formacións políticas con representación no Parlamento de Galicia, que así o soliciten e que presenten declaración responsable do cumprimento dos requisitos establecidos para ser beneficiarias, subvencións anuais non condicionadas para gastos de funcionamento nos que as ditas formacións incorran no territorio da Comunidade Autónoma.
2. O prazo para solicitálas é, segundo o artigo 35.1 da Lei 9/2015, dos dez días seguintes ao da entrada en vigor da Lei de orzamentos do ano correspondente. E nos dez días seguintes ao da finalización deste prazo, o órgano competente da Administración xeral da Comunidade Autónoma de Galicia ditará e notificará ás formacións políticas resolución na que se fixe a contía da subvención correspondente a cada unha delas.
3. Estas subvencións contémplanse expresamente no artigo 2 da Lei orgánica 8/2007, do 4 de xullo, sobre financiamento dos partidos políticos, dentro da relación de recursos económicos das formacións políticas, estando expresamente excluídas da



normativa xeral en materia de subvencións con arranxo ao previsto no artigo 4 da Lei 38/2003, do 17 de novembro, xeral de subvencións e no artigo 4 da Lei 9/2007, do 13 de xuño, de subvencións de Galicia.

4. Na Lei 4/2024, do 27 de decembro, de orzamentos xerais da Comunidade Autónoma de Galicia para o ano 2025 consígnase un crédito de 2.000.000 € na aplicación orzamentaria 05.05.161A.481.0 para todo o ano 2025, ou ata a formación dun novo parlamento que cambie a distribución de escanos e votos, de ser o caso.
5. Tendo en conta os resultados xerais e por circunscricións e a relación de persoas electas nas Eleccións ao Parlamento de Galicia celebradas o día 18 de febreiro de 2024, publicados por Acordo de 4 de marzo de 2024 da Xunta Electoral de Galicia (DOG nº47 do 6 de marzo de 2024), acadaron representación no Parlamento de Galicia, coa distribución de votos e número de escanos que, para cada unha delas, se relaciona a continuación, as seguintes formacións políticas:

	VOTOS	ESCANOS
PARTIDO POPULAR (PP)	711.713	40
BLOQUE NACIONALISTA GALEGO (BNG)	470.692	25
PARTIDO DOS SOCIALISTAS DE GALICIA-PSOE (PSdeG-PSOE)	211.361	9
DEMOCRACIA OURENSANA (DO)	15.442	1
TOTAL	1409208	75

6. Os criterios obxectivos a ter en conta para fixar a contía da subvención correspondente a cada formación política son os establecidos no artigo 33.2. da Lei 9/2015. Tendo en conta estes, o crédito da aplicación orzamentaria destinada a este fin dividírase en dúas partes:

- O 40% do crédito consignado (800.000 €) distribuírase entre as formacións políticas que reúnan os requisitos para seren beneficiarias en proporción ao número de escanos obtidos por cada unha delas nas últimas eleccións ao Parlamento de Galicia.

- O 60% restante (1.200.000 €) distribuírase en razón do número total de votos obtidos por cada formación política nas últimas eleccións ao Parlamento de Galicia.

O coeficiente de reparto correspondente aos votos obtidos polas formacións políticas que obtiveron representación no Parlamento de Galicia (1.409.208 votos en total), calculado sobre o 60% do crédito orzamentario previsto (1.200.000 €), é de 0,8515421428 € por voto.



O coeficiente de reparto en atención aos 75 escanos existentes no Parlamento de Galicia, calculado sobre o 40% do crédito orzamentario previsto (800.000 €) é de 10.666,666667 € por escano.

Segundo o Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, a Dirección Xeral de Relacións Institucionais e Parlamentarias é o órgano ao que lle corresponde a xestión e a resolución das axudas ás formacións políticas con representación no Parlamento de Galicia, previstas no capítulo III do título I da Lei 9/2015, do 7 de agosto, de financiamento das formacións políticas e das fundacións e entidades vinculadas ou dependentes. Tamén é o órgano ao que se atopa adscrito o crédito orzamentario indicado.

Tendo en conta os resultados oficiais das eleccións autonómicas ao Parlamento de Galicia do 18 de febreiro de 2024 e todo o exposto anteriormente,

RESOLVO

Fixar a contía das subvencións para gastos de funcionamento nos que incorran as formacións políticas con representación no Parlamento de Galicia, no territorio da Comunidade Autónoma durante o exercicio 2025 que, de acordo coa aplicación dos anteriores coeficientes, queda establecida do seguinte xeito:

ASIGNACIÓN DE CONTÍAS EN CÓMPUTO ANUAL							
FORMACIÓNS POLÍTICAS	VOTOS OBTIDOS	COEFICIENTE MULTIPLICADOR	CONTÍA POR NÚMERO DE VOTOS (€)	ESCANOS OBTIDOS	COEFICIENTE MULTIPLICADOR	CONTÍA POR NÚMERO DE ESCANOS (€)	IMPORTE TOTAL ANUAL (€)
PP	711.713	0,8515421428	606.053,61	40	10666,666667	426.666,67	1032720,28
BNG	470.692		400.814,07	25		266.666,67	667.480,74
PSdeG-PSOE	211.361		179.982,80	9		96.000,00	275.982,80
DO	15.442		13.149,51 €	1		10.666,67	23.816,18



FORMACIÓNS POLÍTICAS	IMPORTE MENSUAL (salvo o último mes, no que se axustará ao remanente no crédito orzamentario)
PP	86.060,02 €
BNG	55.623,40 €
PSdeG-PSOE	22.998,57 €
DO	1.984,68 €

O aboamento efectuarase por meses naturais, prorrateándose por días os períodos inferiores a un mes, salvo o primeiro pagamento, que poderá comprender máis dunha mensuralidade.

De conformidade co previsto no artigo 3.catro da Lei orgánica 8/2007, do 4 de xullo, sobre financiamento dos partidos políticos, e co artigo 34 da Lei 9/2015, as subvencións previstas nesta resolución serán incompatibles con calquera outra axuda económica ou financeira incluída nos orzamentos xerais do Estado ou nos orzamentos xerais da Comunidade Autónoma de Galicia destinada ao funcionamento das formacións políticas, agás as sinaladas no artigo 2.un da dita lei orgánica.

Procederá a suspensión do pagamento das subvencións nos supostos previstos nos puntos cinco, sete e oito do artigo 3 da Lei Orgánica 8/2007, do 4 de xullo, sobre financiamento dos partidos políticos, e no artigo 36.2 da Lei 9/2015.

Para a fiscalización das subvencións para gastos de funcionamento, de acordo co disposto no artigo 37 da Lei 9/2015, haberá que aterse ao disposto na Lei Orgánica 8/2007, do 4 de xullo, sobre financiamento dos partidos políticos, sen prexuízo das normas concretas sobre gastos subvencionables e procedemento de xustificación que a Xunta de Galicia poida ditar en desenvolvemento da Lei 9/2015.

Contra esta resolución, que non pon fin á vía administrativa, cabe interpoñer recurso de alzada ante a Consellería de Presidencia, Xustiza e Deportes no prazo dun mes contado a partir do día seguinte ao da súa notificación, de acordo co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas.

A directora xeral de Relacións Institucionais e Parlamentarias

Sandra Vázquez Domínguez

(Asinado dixitalmente)

